

永樂大典卷之五千二百四十九

十三蕭

遼

聖宗

遼史聖宗文武大孝宣皇帝諱隆緒小字文殊奴景宗皇帝長子母曰睿智皇后蕭氏帝幼喜書翰十歲能詩既長精射法晚

音律好繪畫乾亨二年封梁王四年九月壬子景宗崩癸丑即皇帝位於
柩前時年十二皇后奉遺詔攝政詔諭諸道冬十月己未朔帝始臨朝辛
酉群臣上尊號曰昭聖皇帝尊皇后為皇太后大赦以南院大王勃古魯
總領山西諸州事北院大王于越休哥為南面行軍都統奚王和朔奴副
之同政事門下平章事蕭道寧領本部軍駐南京乙丑如顯州十一月甲
午置乾州十二月戊午朔耶律述撒討阻卜辛酉南京留守荆王道隱奏
宋遣使獻犀帶請和詔以無書却之甲子捷剌干乃方士醉言宮掖事法
當死杖而釋之辛未南面招討使秦王韓匡嗣薨癸酉奉大行皇帝梓宮
于敢塗殿庚辰省置中臺省官統和元年春正月戊午朔以大行在殯
不受朝乙丑奉遺詔召先帝庶兄質睦于敢塗殿前復封寧王加宰相室

昉宣徽使普領等恩丙寅荆王道隱有疾詔遣使存問是日皇太后幸其邸視疾戊辰以烏隈烏骨里部節度使耶律章奏同政事門下平章事甲戌荆王道隱薨輟朝三日追封晉王遣使撫慰其家丙子以于越休哥為南京留守仍賜南面行營總管印綬總邊事渤海撻馬解里以受先帝厚恩乞殉葬詔不許賜物以旌之戊寅遣使賜于越休哥及奚王壽寧統軍使頗德等湯藥命懇薦持送休哥下車榜以諭燕民辛巳速撒獻阻卜俘壬午涿州刺史安吉奏宋築城河北詔留守于越休哥撓之勿令就功趙妃及公主胡骨典奚王壽寧宰相安寧北大王普奴密惕隱屈烈吳王稍寧王只沒與橫帳國舅契丹漢官等並進助山陵費癸未齊國公主率內外命婦進物如之甲申西南面招討使韓德威奏党項十五部侵邊以兵擊破之乙酉以速撒破阻卜下詔褒美仍諭與大漢討党項諸部丁亥樞密使兼政事令室昉以年老請解兼職詔不允二月戊子朔禁所在官吏軍民不得無故聚眾私語及冒禁夜行違者坐之己丑南京奏聞宋多聚糧邊境及宋主將如臺山詔休哥嚴為之備甲午葬景宗皇帝於乾陵以近辛朗掌飲伶人撻魯為殉上與皇太后因為書附上大行丙申皇太后詣陵置奠命繪近臣於御容殿賜山陵工人物有差庚子以先帝遺物賜

皇族及近臣。辛丑。南京統軍使耶律善備奏宋邊七十餘村來附。詔撫存之。乙巳。以御容殿為玉殿。酒谷為聖谷。速撒奏討党項捷。遣使慰勞。戊申。以陽隱化哥為北院大王。解領為南府宰相。辛亥。幸聖山。遂謁三陵。甲寅。以皇女長壽公主下嫁國舅宰相蕭婆頂之子吳留。三月戊午。天德軍節度使顏刺父子戰殄。以其弟涅離襲爵。己未。次獨山。遣使賞西南面有功將士。辛酉。以大父帳太尉耶律曷魯寧為陽隱甲子駐蹕遼河之平涼。辛巳。以國舅同平章事蕭道寧為遼興軍節度使。仍賜號忠亮佐理功臣。壬午。以青牛白馬祭天地。夏四月丙戌朔。幸東京。以樞密副使耶律朮只養侍中。為東京留守。庚寅。謁太祖廟。癸巳。詔賜物命婦寡居者丙申。南幸。辛丑。謁三陵。以東京所進物。分賜陵寢官吏。復詔賜西南路招討使大漢劔。不用命者。得專殺士。寅。至。享于凝神殿。癸卯。謁乾陵。乙巳。遣人以酒脯祭平章耶律河陽墓。庚戌。幸夫人烏骨里第。謁太祖御容。禮畢。幸公主胡古典第。飲。賜與甚厚。士子大臣以太后預政。宜有尊號。請下有司詳定冊禮。詔樞密院諭沿邊節將。至行禮日。止遣子弟奉表稱賀。恐失邊備。樞密請詔北府司徒顏德諱。南京所進律文。從之。遂如徽州。以耶律慶朗為信州節度使。五月丙辰朔。國舅政事門下平章事蕭道寧。以皇太后慶壽。請歸。

父母家行禮而齊國公主及命婦群臣各進物設宴賜國舅帳者年物有差壬戌西南路招討請益兵討西突厥諸部詔北王府耶律蒲奴寧以敵單迭烈二部兵赴之癸亥以于越休哥在南院過用吏人詔南大王母相循襲庚午耶律善補招亡入宋者得十餘戶歸國詔令撫慰辛未次永州祭王于藥師奴墓乙亥詔近臣議皇太后上尊號冊禮樞密使韓德度以後漢太后臨朝故事草定上之丙午以青牛白馬祭天地戊寅幸木葉山西南路招討使大漢奏近遣機剌跋剌哥諭党項諸部來者甚衆下詔褒美六月乙酉朔詔有司冊皇太后日給三品以上法服三品以下用大射柳之服西南路招討使秦党項酋長執夷离量子限引等乞內附詔撫納之仍察其誠偽謹邊備丙戌還上京己丑有司奏同政事門下平章事駙馬都尉盧俊與公主不協詔離之遂出俊為興國軍節度使辛卯有事于太廟甲午上率群臣上皇太后尊號曰承天皇帝太后群臣上皇帝尊號曰天輔皇帝大赦改元統和丁未覃恩中外文武官各進爵一級以樞密副使耶律斜軫守司徒秋七月甲寅朔皇太后聽政乙卯上親錄囚王子司徒妻國坐稱疾不赴山陵笞二十辛酉行再主禮癸酉臨潢尹裏哀進飲饌上與諸王分朋擊鞠丙子韓德威遣詳穩轄馬上破党項俘獲數并送

夷禹莖之子來獻。辛巳。賞西南面有功將士八月戊子。上西巡。己丑。謁祖陵。辛卯。皇太后祭楚園。王蕭思溫墓。癸巳。上與皇太后謁懷陵。遂幸懷州。甲午。上與斜軫於太后前。易弓天鞍馬。約以爲友。己亥。獵赤山。遣使薦熊肪鹿脯于乾陵之凝神殿。以政事令孫慎無子詔國舅小翁帳郎君挑隈爲之後。乙巳。詔于越休哥提點元城士子。韓德威表請伐兗。項之復叛者。詔許之。仍發別部兵數千以助之。九月癸丑朔。以東京平州旱蝗。詔振之。乙卯。謁永興長寧敦睦三宮。丙辰。南京留守秦秋霖害稼。請權停關征。以通山西糴易。從之。庚申。謁宣簡皇帝廟。辛酉。幸祖州謁祖陵。壬戌。還上京。辛未。有司請以帝生日爲千齡節。從之。皇太后言。故于越屋只有傳導功。宜錄其子孫。遂命其子泮渙爲林牙。丙子。如老翁川。冬十月癸未朔。司天奏老人星見。戊子。以公主淑哥下嫁國舅。詳穩照姑癸巳。速撒奏敵烈部及叛蕃來降。悉復故地。乙未。以燕京留守于越休哥言。每歲諸節度使貢獻如契丹官例。止進鞍馬。從之。丁酉。以吳王稍爲上京留守。行臨潢尹事。上將征高麗。親閱東京留守耶律末只所總兵馬。丙午。命宣徽使兼侍中蒲領林牙肯德等將兵東討。賜旗鼓及銀符十一月。壬子。朔。觀漁捷馬。癸丑。應州秦獲宋諜者。言宋除道五臺山。將入靈丘界。詔諜者及居停人。

並磔于市庚辰上與皇太后祭乾陵下詔諭三京左右相左右平章事副
留守判官諸道節度使判官諸軍事判官錄事參軍等當執公文母得阿
順諸縣令佐如遇州官及朝使非理徵求母或畏徇恒加米聽以爲最
民間有父母在別籍異居者聽鄰里覓察坐之有孝于父母三世同居者
旌其門閭十二月壬子朔謁凝神殿遣使分祭諸陵賜守殿官屬酒是日
幸顯州丁亥以顯州歲貢綾錦分賜左右甲午東幸己亥皇太后觀漁于
玉盆灣辛丑觀漁于浣澗甲辰勅諸刑辟已結正決遣而有寃者聽詣
臺訴是夕然萬魚燈于雙溪戊申于齡節祭日月禮畢百僚稱賀二年
春正月甲午如長澤二月癸巳國舅張彰德軍節度使蕭蒲寧奏討女直捷
賜將軍耶律敵不春永束帶丙申東路行軍宣徽使蕭蒲寧奏討女直捷
遣使執手獎諭庚子朝皇太后太后因從觀獵于饒樂川乙巳五國烏隈
于厥節度使耶律隄注以所轄諸部難治乙賜詔給劔便宜行事從之丙
午上與諸王大臣較射丁未韓德威以征党項迴遂襲河東獻所俘賜詔
褒美三月乙卯劃離部請今後詳穩止從本部選授爲宜上曰諸部官惟
在得人豈得定以所部爲限不允贈故同平章事趙延煦兼侍中夏四月
丁亥宣徽使同平章事耶律普寧都監蕭勤德獻征女直捷授普寧兼政

事令勤德神武衛大將軍各賜金器諸物庚寅皇太后臨決滯獄辛卯祭
風伯壬辰以宣徽南院使劉承規為承德軍節度使崇德宮都部署保義
軍節度使張德筠為宣徽北院使五月乙卯祠木葉山丁丑駐蹕汾柳湖
六月己卯朔皇太后決獄至月終秋七月癸丑皇太后行再生禮八月辛
卯東京留守兼侍中耶律朮只奏女直不真養里等八族乞舉眾內附
詔納之九月戊申朔駐蹕土河辛未以景宗忘日詔諸道京鎮遣官行香
飯僧冬十月丁丑朔以歸化州刺史耶律普察為彰德軍節度使右武衛
大將軍韓倬為彰國軍節度使兼侍衛親軍兵馬都指揮使冬十一月壬
子以樞密直學士給事中鄭徽為儒州刺史是月遼徽等討阻卜殺其酋
長撻剌干十二月辛丑以翰林學士承旨馬得臣為宣政殿學士耶律頗
德南京統軍使耶律瑤昇大內陽隱大仁靖東京中臺省右平章事三
年春正月丙午朔如長瀋丁巳以翰林學士邢抱朴為尚書禮部侍郎知
制誥左拾遺知制誥劉景吏部郎中知制誥牛藏用並政事舍人二月丙
子朔以牛藏用知樞密直學士三月乙巳朔樞密奏契丹諸役戶多困乏
請以富戶代之上因閱諸部籍涅剌烏隈二部戶少而役重并量免之夏
四月乙亥朔祠木葉山壬午以鳳州刺史趙匡符為保靜軍節度使癸未

以左監門衛大將軍王庭勗為奉先軍節度使。彰武軍節度使韓德疑為崇義軍節度使。五月，士子還上京，癸酉，以國舅蕭道寧同平章事。知瀋州軍州事。六月，甲戌，如栢坡。皇太后親決滯獄。乙亥，以歸義軍節度使王希巖為興國軍節度使。秋七月，甲辰朔，詔諸道繕甲兵，以備東征。高麗甲寅，東幸。甲子，遣郎君班襄賜秦王韓匡嗣葬物。丙寅，駐蹕土河，以暴漲，命造船橋。明日，來步輦出聽政。老人星見。丁卯，遣使問東京諸軍兵器及東征道路。以平章事蕭道寧為昭德軍節度使。武定軍節度使守司空、無政事。今郭襲為天平軍節度使。大同軍節度使守太子太師。魚政事令劉延構為義成軍節度使。贈尚父秦王韓匡嗣尚書令。八月，癸酉朔，以遼澤沮洳罷征高麗。命樞密使耶律斜軫為都統，駙馬都尉蕭懇德為監軍，以兵討女直。丁丑，次臺城。庚辰，至顯州，謁疑神殿。辛巳，幸乾州觀新宮。癸未，謁乾陵。甲申，命南北面臣僚分巡山陵林木。及今乾顯二州上所部里社之數。丙戌，北皮室詳穩進勇敢士七人。戊子，故南院大王諧領乙里婉妻蕭氏奏夫死不能葬，詔有司助之。庚寅，東征都統所奏路尚陷澤，未可進。討詔侯澤潤澤入。癸巳，皇太后謁顯陵。庚子，謁乾陵。辛丑，西幸。閏九月，癸酉，命邢抱朴勾檢顯陵丙子，行次海上。庚辰，重九，駱駝山登高，賜群臣菊花酒。辛巳，詔諭東

征將帥乘水調進討丙申女直宰樞朮不里來貢戊戌駐蹕東古山己亥
連撤奏朮不姑諸部至近從夷為董易魯姑請行俘掠上曰諸部於國無
惡何故俘掠徒生事耳不允冬十一月甲戌詔吳王稍領泰王韓匡嗣葬
祭事丁母詔以東北路兵馬監軍姜婆底里存撫邊民戊寅賜公主胡骨
典葬夫金帛工匠辛卯以韓德讓兼政事今癸巳禁行在市易布帛不中
尺度者丙申東征女直都統蕭闡覽菩薩奴以行軍所經地里物產來上

四年春正月甲戌觀漁土河林林牙耶律謀魯姑彭德軍節度使蕭闡覽
上東征俘獲賜詔獎諭丙午樞密使耶律斜軫林牙勤德等上計女直所
獲生口十餘萬馬二十餘萬及諸色物已卯朝皇太后決滯訟壬午樞密
使斜軫林牙勤德謀魯姑節度使闡覽統軍使室羅侍中林只奚王府監
軍迪烈與安吉等克女直還軍遣近侍泥里吉詔旌其功仍執手撫諭賜
酒果勞之甲午辛長濤二月壬寅以四番都統軍李繼忠為檢校司徒上
柱國癸卯西夏李繼遷叛宋來降以為定難軍節度使銀夏綏宥等州觀
察處置等使特進檢校太師都督夏州諸軍事西蕃酋帥尼泥乞移為保
大軍節度使鄜坊等州觀察處置等使甲寅耶律斜軫蕭闡覽謀魯姑等
族帥來朝行飲至之禮賞賚有差丙寅行次裏里井三月甲戌于越休哥

秦宋遣曹彬在彥進米信由雄州道田重進飛狐道潘美楊繼業廂門道
來侵岐溝涿州固安新城皆陷詔宣徽使蒲領馳赴燕南與休哥議軍事
分遣使者徵諸部兵益休哥以擊之復遣東京留守耶律抹只以大軍繼
進賜劍專殺乙亥以親征告陵廟山川丙子統軍使耶律頤德敗宋軍于
固安休哥絕其糧餉擒將吏獲馬牛器仗甚衆庚辰寰州刺史趙彥章以
城叛附于宋辛巳宋兵入涿州義順軍節度副使趙希贊以朔州叛附于
宋時上與皇太后駐兵馳羅口詔趣東征兵馬以爲應援壬子詔林牙勤
德以兵守平州之海岸以備宋仍報平州節度使迪里姑若勤德未至遣
人趣行馬乏則括民馬鎧甲關則取於顯州之甲坊癸未遼軍與宋田重
進戰于飛狐不利冀州防禦使大鵬翼康州刺史馬贊馬軍指揮使何萬
通陷馬丁亥以北院樞密使耶律斜軫爲山西兵馬都統以北院宣徽使
蒲領爲南征都統以副于越休哥彰國軍節度使父正觀察判官宋雄以
應州叛附于宋庚寅遣飛龍使亞剌文班史亞達哥閔馬以給先發諸軍
詔駙馬都尉蕭繼遠領之辛卯武定軍馬步軍都指揮使鄧州防禦使呂
行德副都指揮使張繼從馬軍都指揮使劉知進等以飛狐叛附于宋癸
巳賜林牙謀魯姑旗鼓四劍一率禁軍之驍銳者南助休哥丙申步軍都

指揮使擄起以靈丘叛附于宋詔遣使賜樞密使斜軫密旨及彰國軍節度使杓窰印以趣征討夏四月己亥朔次南京北郊庚午楊隱瑤尋西南面招討使韓德威以捷報辛丑宋潘美陷雲州士寅遣抹只謀魯姑勤德等領偏師以助休哥仍賜旗鼓杓窰印撫諭將校癸卯休哥復以捷報上以酒脯祭天地率群臣賀于皇太后詔勤德還軍丙午頗德上所獲鎧仗數戊申監軍宣徽使蒲領奏敵軍引退而奚王壽寧北大王蒲奴寧統軍使頗德等以兵追躡皆勝之遣敵史勤德持詔褒美及詔侍中抹只統諸軍赴行在所頗不部節度使和盧觀黃皮室詳穩解里等各上所獲兵甲又詔兩部突騎赴蔚州以助圍覽橫帳郎君老君奴率諸郎君巡徼居庸之北將軍化哥統平州兵馬橫帳郎君奴哥為黃皮室都監郎君謁里為北府都監各以步兵赴蔚州以助斜軫庚戌以斜軫為諸路兵馬都統聞覽兵馬副部署迪子都監以代善補韓德威癸丑以父正趙希替及應州朔州節度副使奚軍小校監離轄渤海小校貫海等叛入于宋籍其家屬分賜有功將校宋將曹彬米信北渡拒馬河與于越休哥對壘挑戰南北列營長六七里時上次涿州東五十里甲寅詔于越休哥奚王壽寧宣徽使蒲領南北二王等嚴備水道無使敵兵得潛至涿州乙卯休哥等敗宋

軍獻所獲器甲貨財賜詔褒美蔚州左右都押衙李存璋許彥欽等殺節度使蕭嘏里執監城使銅州節度使耿紹忠以城叛附于宋丙辰復涿州告天地戊午上次沙姑河之北淀召林牙勤德議軍事諸將校各以所俘獲來上吳王壽寧南北二王率所部將校來朝以近侍粘米里所進自落鷄祭天地已未休哥蒲領來朝詔三司給軍前夏衣布庚申上朝皇太后辛酉大軍次固安壬戌圍固安城統軍使頗德先登城遂破大縱俘獲居民先被俘者命以官物贖之甲子賞攻城將士有差五月庚午遼師與曹彬朱信戰于岐溝關大敗之追至拒馬河溺死者不可勝紀餘衆奔高陽又為遼師衝擊死者數萬棄戈甲若丘陵輓漕數萬人匿岐溝空城中圖之士申以皇太后生辰縱還癸酉班師還次新城休哥蒲領奏宋兵奔逃者皆殺之甲戌以軍捷遣使分諭諸路京鎮丁丑詔諸將校論功行賞無有不實己卯次固安南以青牛白馬祭天地庚辰以所俘宋人射鬼箭詔遣詳穩排亞率弘義宮兵及南北皮室郎君搜剽四軍赴應朔二州界與楊隱瑤昇招討韓德威等同禦宋兵在山西之未退者辛己以瑤昇軍赴山西壬午還次南京癸未休哥壽寧蒲奴寧進俘獲斜軫遣判官蒲姑奏復蔚州斬首二萬餘級乘勝攻下靈丘飛狐賜蒲姑酒及銀器丙戌御元

和殿大宴從軍將校封休哥爲宋國王。加蒲領壽寧蒲奴寧及諸有功將校爵賞有差。丁亥發南京。詔休哥備器甲儲粟秋大舉南征。戊子斜軫奏宋軍復圍蔚州。擊破之。詔以兵授瑤昇韓德威等。士辰以宋兵至平州。瑤昇韓德威不盡追殺降。詔誥責仍諭據城未降者必盡掩殺。無使遁逃。癸巳以軍前降卒分賜。扈從乙未賞。顏德諸將校士卒。六月戊戌朔詔韓德威赴闕加統軍使。顏德檢校太師甲辰詔南京留守休哥遣暇手西助斜軫。乙巳以夷离畢姪里古部送輜重行宮。暑行日五十里。人馬疲乏。遣使讓之。丁未度居庸關。士午南京留守奏百姓蔽輸三司鹽鐵錢折絹不如直。詔增之。甲寅斜軫奏復懷州。乙卯皇太妃諸王公主迎上嶺表。設御帳道傍。置景宗御容。率從臣進酒陳俘。獲于前。遂大宴。戊午幸涼陘。以所俘分賜皇族及乳母。己未聞所遣宣諭回。鵬數列賀。國度里亞里等爲宋不姑邀留。詔速撤。賜木不姑貨幣。諭以朝廷來遠之意。使者由是乃得行。癸亥以節度使韓毗哥翰林學士那把朴等充雲州宣諭招撫使。丙寅以太尉王八所俘主口分賜趙妃及于越迪輦乙里婉。秋七月丙子樞密使斜軫遣侍御涅里底幹勒哥奏復朔州擒宋將楊繼業及上所獲將校印綬。詔勅賜涅里底等酒及銀器。辛巳以捷告天地。以宋歸命者二百四十八

分賜從臣。又以殺敵多。詔上京開龍寺建佛事一月。飯僧萬。今辛卯。斜軫奏大軍至蔚州。營于州左。得諜報敵兵且至。乃設伏以待。敵至縱兵逆擊。追奔逐北。至飛狐口。遂乘勝鼓行而西。入懷州。殺守城吏卒千餘。今宋將楊繼業初以驍勇自負。號揚無敵。北據雲朔。數州至是引兵南出。朔州三十里至狼牙村。惡其名不進。左右固請乃行。遇斜軫伏四起。中流矢墮馬。被擒。瘡發不食三日死。遂函其首以獻。詔詳穩轄麥室傳其首于越休哥。以示諸軍。仍以朔州之捷宣諭南京。平州將吏自是宋守雲應諸州者。聞繼業死。皆棄城遁。八月丁酉。置先離闕。覽官六員。領于骨里。女直迪烈于等諸部人之隸官籍者。以北大王蒲奴寧為山後五州都管。乙巳。韓德讓奏宋兵所掠州郡。其逃民未稼。宜募人收穫。以其半給牧者。從之。乙卯。斜軫還自軍。獻俘已未。用室昉韓德讓言。復山西今年租賦。詔第山西諸將校功過而賞罰之。乙室帳宰相安寧。以功過相當。追告身一通。詔居部節度使佛奴答五十。惕隱瑤昇機刺烈烈。朔州節度使慎思應州節度使骨只雲州節度使化哥。軍校李元。朔州節度使佛留。都監崔其。劉離琛。皆以聞敵逃遁。奪官欽烈。仍配隸本貫。領國舅軍王六。答五十。壬戌。以斜軫所部將拔前破女直。後有宋捷第功加賞。癸亥。加斜軫守太保。九月丙寅。

朔皇太妃以上納后進衣物駝馬以助會親頒賜甲戌次黑河以重九登高于高水南臯祭天賜從臣命婦菊花酒丁丑次河陽北戌寅內外命婦進會親禮物辛巳納皇后蕭氏丙戌次濡州以大軍將南征詔遣皮室詳穩三郎君拽刺先赴本軍繕甲兵己丑召北大王蒲奴寧赴行在所甲午皇太后行再生禮冬十月丙申朔党項阻上遣使來貢丁酉皇太后復行再生禮為帝祭神祈福己亥以乙室王帳郎君吳留為御史大夫政事令室昉奏山西四川自宋兵後人民轉徙盜賊充斥之下有司禁止命新州節度使蒲打里達人分道巡檢北大王帳郎君曷葛只里言本府王蒲奴寧十七罪詔橫帳太保戮國底鞠之蒲奴寧伏其罪十一笞二十釋之曷葛只里亦伏誣告六事命詳酌罪之知事勤德連坐杖一百免官甲辰出居庸關乙巳詔諸京鎮相次軍行諸細務權停理問庚戌分遣拽刺公邊偵候辛亥命皇族廬帳駐東京延芳淀壬子詔以勅榜付于越休哥以南征諭拒馬河南六州乙卯幸南京戊午以南院大王留寧言復南院部民今年租賦士戌以銀鼠青鼠及諸物賜京官僧道耆老甲子與大臣分朋擊鞠十一月丙寅朔党項來貢庚午以政事令韓德護守司徒士申以古北松亭榆關征稅不法致阻商旅遣使鞠之女直請以兵從征許之

癸酉御正殿大勞南征將校丙午南伐次狹底獨皇太后親閱輜重兵甲
丁丑以休哥為先鋒都統戊寅日南至上率從臣進酒景宗御容辛巳詔
以北大王蒲奴寧居奉聖州山西五州公事並聽與節度使蒲打里共裁
決之癸未癸日月為駙馬都尉勤德析福乙酉置諸部監勒所部各守營
伍毋相錯雜丙戌遣謀魯姑蕭繼遠公邊巡徼以所獲宋卒射鬼箭丁亥
以青牛白馬祭天地辛卯次白佛塔川獲自落訓狐以為吉徵祭天地詔
駙馬都尉蕭繼遠林牙謀魯姑太尉王八等固守封疆毋漏間諜軍中無
故不得馳馬仍縱諸軍殘南境桑果壬辰至唐興縣時宋軍屯濬沱橋北
選將亂射之橋不能守進焚其橋癸巳涉沙河休哥來議事北皮室詳穩
排亞獻所獲宋謀二人上賜衣物令還招諭泰州諸特部節度使盧補古
都監耶律昫與宋戰于泰州不利甲午祭應鹿神以盧補古臨陣遁逃奪
告身一通其判官都監各杖之郎君拽刺雙骨里遇宋先鋒於望都擒其
士卒九人獲甲馬十一賜酒及銀器乙未以盧補古等罪詔諭諸軍以御
蓋郎君化哥權楮特部節度使橫帳郎君佛留為都監代盧補古權領國
舅軍姚畏請二校領散卒詔以郎君世音頗德等充命彰德軍節度使蕭
闥覽將軍迪于喀地東路詔休哥排亞等議軍事十二月己亥休哥敗宋

軍於望都遣人獻俘士寅營于滹沱北詔休哥以騎兵絕宋兵母令入邢州命大師王六謹偵候癸卯小校曷主過宋輜重引兵殺獲甚衆并焚其芻粟甲辰詔南大王與休哥合勢進討宰相安寧領迪昝部及三剋軍殿上率大軍與宋將劉廷讓李敬源戰于莫州敗之乙巳擒宋將賀全圖楊重進等國舅詳穩撻烈哥官使蕭打里死之內午詔休哥以下入內殿賜酒勞之丁未築京觀復以南京禁軍擊楊團城守將以城降詔禁侵掠已酉營神榆村詔上楊團城粟麥兵甲之數辛亥以黑白二牲祭天地癸丑拔馮母鎮大縱俘掠丙辰邢州降丁巳拔深州以不即降誅守將以下縱兵大掠李繼遷引五百騎款塞願婚大國永作藩輔詔以王子帳節度使耶律襄之女汀封義成公主下嫁賜馬三千疋五年春正月乙丑破東城縣縱兵大掠丁卯次文安遣人諭降不聽遂擊破之盡殺其丁壯俘其老幼戊寅上還南京己卯御元和殿大賚將士壬辰如華林天柱二月甲午朔至自天柱三月癸亥朔幸長春宮賞花釣魚以牡丹徧賜近臣歡宴累日丁丑以誅居部下拽剌解里偵候有功命入御蓋郎君班祗候夏四月癸巳朔幸南京丁酉上率百僚冊上皇太后尊號曰睿德神略應運啓化承天皇太后禮畢群臣上皇帝尊號曰至德廣孝昭聖天輔皇帝戊戌詔